

George Soros je rođen u Budimpešti 1930. godine. U Englesku je emigrirao 1947. godine i u Londonu završio studij na Londonskoj školi ekonomike. Još kao student u Londonu, gospodin Soros se upoznao sa radom filozofa Karla Poppera koji je izvršio dubok uticaj na njegov način mišljenja i kasnije na njegovu filantropsko djelovanje. Soros se preselio u Sjedinjene Države 1956. godine i tamo počeo sticati ogromno bogatstvo radeći u fondu za međunarodne investicije koji je osnovao i kojim je sam upravljao.



Gospodin Soros trenutno je predsjedavajući kompanije Soros Fund Management, privatne firme za upravljanje investicijama, koja je glavni savjetnik Quantum grupe fondova. Quantum Group N.V. - najstariji i najveći fond u Quantum grupi - općenito je priznat kao najuspješniji investicioni fond na svijetu tokom svih dvadeset i devet godina svog postojanja.

Gospodin Soros je osnovao svoju prvu fondaciju, Fond otvoreno društvo, u New Yorku 1979. Godine, a svoju prvu istočnoevropsku fondaciju u Mađarskoj 1984. On sada financira čitavu mrežu fondacija koje djeluju u trideset i jednoj zemlji Centralne i Istočne Evrope, bivšem Sovjetskom Savezu, kao i na Haitiju, u Južnoj Africi, Gvatemali, Mongoliji i Sjedinjenim Državama. Ove fondacije posvećene su izgradnji i održavanju infrastrukture i institucija otvorenog društva. Gospodin Soros osnovao je i druge značajne institucije kao što su Centralnoevropski univerzitet i Međunarodna fondacija za prirodne nauke. Njegova mreža fondacija je 1994. godine potrošila oko 300 miliona dolara; 1995. godine 350 miliona; 1996. godine 362 miliona; i 1997. godine 428 miliona. Za 1998. godinu planu je isti nivo potrošnje.

Pored brojnih članaka o političkim i ekonomskim promjenama u Istočnoj Evropi i bivšem Sovjetskom Savezu, gospodin Soros je napisao i nekoliko knjiga. To su: *The Alchemy of Finance* (Alkemija financija), *Opening of the Soviet System* (Otvaranje Sovjetskog sistema), *Underwriting Democracy* (Podrška demokraciji) i *Soros on Soros: Staying Ahead of the Curve* (Soros o Sorosu: Izazov novca).

Gospodin Soros ima počasne doktorate Nove škole za socijalna istraživanja, Oksfordskog univerziteta, Budimpeštanskog ekonomskog fakulteta i univerziteta Yale. Univerzitet u Bolonji je Georgeu Sorosu 1995. dodijelio svoju najveću počasnu nagradu, Laurea Honoris Causa, kao priznanje za njegove napore u promoviranju otvorenog društva širom svijeta.